

Annwyl Bawb

## **E-FWLETIN: 11 MAI 2009**

Mae'n amser unwaith eto i'r e-fwletin a thynnir eich sylw yn gyntaf at y noson i godi arian at y Morlan sydd i'w chynnal nos Lun nesaf (18 Mai) am 7.30 – noson o farddoniaeth gydag **Iwan Llwyd a Meirion MacIntyre Huws**. Gobeithio'n fawr y dewch i gefnogi er mwyn ein cynorthwyo i barhau i gynnal yr amryw weithgareddau sy'n rhan o genhadaeth a gwaith y Morlan. Mae tocynnau yn £5 ac ar gael o'r Morlan (yn ystod oriau swyddfa). Ar y noson, bydd y Bar Coffi hefyd ar agor a bydd cyfle i brynu cryno ddisgiau gan artistiaid amrywiol – yr elw i gyd yn mynd tuag at y Morlan.

Nodir isod y digwyddiadau eraill sy'n cymryd lle yn y Morlan dros yr wythnosau nesaf.

### **SESIYNAU GALW I MEWN AR GYFER DARPAR WIRFODDOLWYR**

**10.00-4.00, dydd Mawrth, 12 Mai**

CAVO sy'n trefnu'r sesiynau hyn ar gyfer pobl sy'n chwilio am gyfleoedd gwirfoddoli neu fudiadau sy'n defnyddio gwirfoddolwyr ac angen help recriwtio gwirfoddolwyr. Byddant yn cael eu cynnal yma ddwywaith y mis tan ddiwedd y flwyddyn.

### **ARDDANGOSFA O FFOTOGRAFFAU: HANES MENYWOD CYMRU**

**10.00-4.00, Llun i Gwener, o 13 Mai ymlaen**

Galwch mewn i weld arddangosfa o rai o'r eitemau amrywiol ddaeth i law yn ystod y Sioe ar Daith am hanes menywod Cymru a gynhaliwyd gan Archif Menywod Cymru yn yr hydref.

### **FESTEN**

**7.30, nos Fercher a nos Iau, 13 ac 14 Mai**

Cynhyrchiad H@T Production sy'n rhan o Wyl Ymylol Aber. Am docynnau neu fanylion pellach, e-bostiwrch: [hatproductions1@gmail.com](mailto:hatproductions1@gmail.com).

### **ANERCHIAD GAN MEDWIN PARRY AR "ARCHAEOLEG YR AIL RYFEL BYD"**

**2.30, dydd Iau, 21 Mai**

Cyfarfod misol nesaf Prifysgol y Drydedd Oes ar gyfer y rheiny sydd wedi rhoi'r gorau i weithio.

### **CYMHORTHFA ELIN JONES**

**10.00-12.00, bore Gwener, 22 Mai**

Am fanylion pellach cysylltwch â swyddfa leol Plaid Cymru (01970-624516).

### **BORE COFFI GYDA CHADLANCIAU AMBIWLANS ST JOHN**

**10.00-12.00, bore Sadwrn, 23 Mai**

Bore coffi wedi'i drefnu gan gangen leol Ambiwllans St John. Stondinau amrywiol.

### **ARHOSWCH! ... YN ENW DUW**

**10.00-2.00, dydd Sadwrn, 30 Mai**

Ar Sadwrn y Pentecost bydd Morlan yn agos ei ddrysau am ychydig oriau gan estyn gwahoddiad a chroeso cynnes i unrhyw rai ddod i mewn i wario munudau tawel mewn myfyrdod neu weddi yn yr Ystafell Dawel.

Os gwyddoch am unrhyw rai fyddai â diddordeb mewn cael gwybod am beth sy'n mynd ymlaen ym Morlan, mae pob croeso i chi anfon yr e-fwletin hwn ymlaen atyn nhw.

**Os nad ydych yn dymuno derbyn yr e-fwletin hwn bellach, rhowch wybod i ni trwy ateb y neges hon ac fe dynnwn eich enw o'r rhestr postio ar unwaith.**

Cofion gorau

Carol Jenkins

Rheolwr